

ادبیات کمرونیستیکورسی

هفته‌لق سیاسی ، ادبی ، علمی غزته‌در

جلد : ۵

سنه : ۳ ۱۸ صفر ۱۳۳۷ جمعه ایرتسی ۲۳ تشرین ثانی ۱۹۱۸ نومرو — ۹۵

رهبر مؤرخین

مکمل و منتظم تاریخ عثمانی ناصل یازیلر ؟

[۹۴ نومرولو نسخه‌مزدن مابعد]

« عاشق پاشا زاده » هیچ‌ده فنا مؤرخ دکادر . دولت علیه‌ده ایلاک مؤرخ اولدیفندین بزجه دخی پک معتبردره . لسانی آچقندر . غایت صاف و حسن نیتله یازدیفنی مان هر سطریندن اکلاشیلیم‌قده‌دره . مداهنه‌سی دخی یوقدره . بعض خصوصک تنقیددن و کندی عصرنده کوردیکی و بیلدیکی فنالی سویلیکدن چکنمه‌یور . یازیور . ایلروده وقایع عثمانیه‌ک توضیحاتنه کیریشدیکمز زمان تاریخ مذکور بزم ایچون کوزل بوماخذ اوله‌جقدر .

کندی حیاته قدر وقایع عثمانیه‌بی ضبط ایدن ایکنجی تاریخ صاحبی نشری افندی مرحومدر . بوذات دخی سلطان فاتح و بایزید ثانی معاصرلرنددر . تاریخ مذکور شمعی به قدر طبع ایله‌دیکندن نسخه‌لری آزدر . فکرمنجه بوائر حقیقه بویوک برقیمتی حازدره . چونکه نشری فاتحک صوگ‌دورینی و بایزیدک دور سلطنتنده کذران اولان وقایعنی صرف کندی مشاهداتی اوزرنه یازیور . دولت عثمانیه‌ک مبادی . ظهورندن کندی عصرینه قدر جریان ایدن و باشقه تاریخلرده بولونمیان و بولوندیفنی حالده بیله تحریف ایدلیدی محقق اولان بعض وقایعه دائر بزجه قیمتی اخباراتده بولونیور . یوقاروده بر یرده سویله‌دیکمز شهزاده دوزمه مصطفی مسئله‌سی بوقبیلنددر . نشری دیگر خصوصده دخی

[کوستاولوبون] ک آثارندن

فرانسه اختلالی و روحیات انقلابات

قلوب مؤتماری، قبال و مجلسی مؤتماریه . — مجلس مؤتماریک بک فضلہ قبال طرفداری اولدیفنی کورن قلوب رئیسلی، خاق بو مؤتماریه علمنه قیام ایتدیرمک : اون آلتنجی [لوتی] بک محاکمه سنه ایتدار ایتک اوزره یکی بر هیئت انتخابی طابقی حاوی اهاییه بر محضر امضالاندیردیله، مجلس ، بویله عوام فریب ماملاته قارشو مقابلهیه قرار و برمش [لافایت] قومانداسی تحتند اولقی و نمایشچیلری تأدیپ ایتک اوزره (شان دورماس) . بر طابور عسکر کوندرمشده چوق زمان بو مسلكده ثبات ایدمه مش ، قراله قارشو بروضه خصوصتکارانه آلهرق مقام حکمدارینک بر چوق امتیازاتی استرداد ایتمشدر . مجلس ، بو صورت حرکت ، قرالی ، محروم ایتدیکی نفوذ، ن مستفید اولقی خیالنه دوشمشدی . حالبوکه ، اتقسامه اوغراپان هر قرتده خاصه تأیید آرامق طوغری دکلدی . (میرایی) : « دنیا ده : آلتیوز کشینک حاکمیتی قدر مدعش برشی تصور ایتبورم » دیوره مجلس ، اولدردنجی (لوتی) بک ترتیبی وجهله ، بتون نفوذ و قوتی کویا کندی انه آلدیفنه ذاهب اولدیسده بر مدت قیله دن بونی قطعاً استعمال ایدمه یه بک بر حال ضعفه دوشمشدی . مجلسک عجزی تراید ایتدیکه ، مملکتده نذب دها واسع مقیاسده بویومکده ، قلوب رئیسلی ایسه ، بوندن بالاستفاده ، خاق مجلس علمنه تشویقندن کرو قالماقده ، هر کون بر چوق هیئت مرخصه مجلسه کلوب یاغره لر بله آمرانه بر صورتده بر طاقم مطالب سرد ایتکده ایدی .

تکرار ایدرمکه مجلسک هر وقت سرفرو ایتدیکی بو مثالو حرکتک قطعاً قوری و آنی هیچ بر ماهیتی بوقدی . خلفدن صدور ایدن بو غلیان ، مجلسه مقابل شکل ایتش اولان (قومون) ایله (قلوب) لک اظهاراتندن بشقه برشی دکلدی .

بو قلوبلردن اک زیاده نفوذ و اهمیت پیدا ایدمک ایا تلمده بشیوز شعبه آچان (زاقوبن) لک قلوبی ایدی . بونک اختلال مدتیجه اوینادیفنی رول بک بیوکدر .

مجلسک هر کون توالی ایدن خطالری ، عجز و ضعفنی صوک درجهیه کتیرمش و اهایینک بغض و عداوتتده جاب ایتش اولدیفندن ، قانون اساسینک بر آن اول تنظیمی و هیئتک فسخی خصوصاتی تقررا ایتدی . ۱۷۹۱ سنه سنک ایلونده اکمال ایدیان قانون اساسی . موجینجه حق تشریع اهای طرفندن منتخب مبعوثلر ، و مجلسک مقررانده اعتراض ایتک حقنی حائز اواق شرطیه ، حق اجرا دخی قراله تودیم اولنیوردی . بو تأسیس جدید ایجابجه ، فرانسه بک تقسیمات اداره سی ایله اهایلیدن استیفا ایدلمکده اولان تکالیفی بر طاقم تعدیلات اساسیهیه تابع طونلشدی . دساتیر مذکوردهنی وضع

و تدوینہ کنندہ بی صلاحیتدار کورن مجلس ، دہا ایلری بہ کیدہ رک ، محضاً پاپاٹک نفوذ حاکمیتی فرانسدہ
ازالہ ایتک مقصدیلہ ، ہیئت رہباتک ذخی اہالی طرفندن انتخاب ایدلسی قاعدہ سنی قانون اساسی بہ
علاوہ ایتش و بو صورتلہ (قونسولق) دورینہ قدر بر جوق منازماتک توالیسنہ سبیت
ویرمشدہ .

مجلس مبعوثانک حالت روحیہ سی

هیئت شریعیہ انقادی مرتبہ ظہور ایدہ سیاسی حادثات . — برصنہ دوام ایدن
مجلس مبعوثانک اوصاف روحیہ سنی قید و ایضاح ایتہدن اول ، بومدت طرفندہ سرزدہ ظهور اولان
و تظاهرات روحیہ سنہ طی دخل و تأثیری مشہود بولنان ہم وقایع سیاسیہ پی تاخیر لازمدر .

صوک درجہ قرال طرفداری اولان مجلس مبعوثان ، مجلس مؤسسان کی قرالغی لغو ایتک
فکرندہ دکادر . واقعاً قرال ، اوضاع و حرکاتیلہ ، عدم اعتماد حسنی او یاند پر مشدہ ہر حالہ
اونک سقوطی کیفیتی موضوع بحث دکادی . فقط اون آلتنجی (لوئی) متادیا اجابک مداخلہ سنی
طاب ایتکدہ ایدی . (توہلہ ری) ، سراینہ قیادلس اولان قرال ، متضاد تأثیرات آلتندہ
چالقالانیوردی . قرال ، افکار عمومیہ اوزرینہ تأثیر اجرا ایتدیرمک مقصدیلہ ، بر جوق غزتلہ
تخصیصات و بر مکدہ ایسدہ بو وظیفہ پی ایضایہ یلتن محررلر ، خلفک روحیاتندن کایاً بی خبر اولدقلرندن ،
مراجعت ابتکاری واسطہ اقناعیہ ، اختلال طرفداراتی دار آغاجیلہ تہدیددن و یا خود قرالی قورنارمق
اوزرہ اجنبی عسکرینک کلہ جکفی سولیکدن عبارت ایدی . مقام حکمدارینک متکاسی ، دیگر
حکمدار سرائلری ایدی . بو حال اوزرینہ ، اصلزادکان ہجرت ، پروسیا ، آوستریا دولتلری فرانسی
اصتلا ایلہ تہدید ، اون آلتنجی (لوئی) صرای ارکانی ایسہ بو تہدیداتہ طرفدارلق ایدیوردی .

اوروپا قرالرینک بو اتفاقنہ قارشو ، (ژاقوبن) لر غلیانہ کلایلر . ذاتاً اختلالی ، بولر ایلہ
(ژپروندہن) لر ادارہ ایتکدہ ایدیلر . مان اہالیدن آلتیوز بیک کشی تسلیح ایدلدی . قرالده
مجلسہ آوستریایہ قارشو اعلان حرب تکلیفندہ بولمفہ مجبور قالدی . اون آلتنجی (لوئی) بو حرکتندہ
قطعیاً صمیمی دکادی . دیگر طرفندن قرالیچہ ، آوستریالیرہ ، فرانسلرک حرب پلانلرینی تودیم ،
مجلس وکلانک مذاکرات و مقرراتی خفیاً اولرہ افشا ایدیوردی . حربک پدایتی غایت بیوک
خساراتی موجب اولدی . قلوبلر معرفتیلہ تشویق ایدیان خلق ، (توہلہ ری) سراینہ هجوم و قرالی
استغایہ دعوت ایتدی . قرالیچہ ، بتون امیدلرینی خارجہ ربط ایتش ، آوستریادن کلہ جک اولان
قوة امدادیہ نک پارسایلر اوزرینہ مددش بر تأثیر اجرا ایدہ جکنہ قانع اولمشدی . سوء طالع اثری
اولہرق اون آلتنجی (لوئی) ، دوق (دوپرونزویق) ک بیاننامہ سبیلہ ہرشیئی غائب ایتشدی .
قرالک حائلہ سنہ قارشو نجویز ایدیلہ جک اوفق بر تعرضہ قارشو پارسک کایاً تخریب ایدیلہ جکی تہدیدینی